

建炎以來繫年要錄

(二)

建炎以來年表

卷一

(宋)李心傳撰

建炎以來繫年要錄 二

上海古籍出版社

C 032472

94  
K245.043  
1  
2:2

欽定四庫全書

史部

建炎以來繫年要錄卷六十九至七十二

詳校官侍讀學士臣陸伯焜  
侍讀臣孫球覆勘

勝錄貢生臣劉錫珪

勝錄生員臣邱桂山

勝錄監生臣范重榮

欽定四庫全書

建炎以來繫年要錄卷六十九

宋 李心傳 撰

紹興三年冬十月壬午朔詔曰昨者出自朕意分遣使  
人授以手歷澄清諸道逮胡蒙等還朝偶緣他事相繼  
而去皆非有失使指恐四遠不知其由妄意揣摩將已  
行之事苟簡濇裂顛倒紛紜民受其弊未還二使不無  
疑慮動輒畏縮甚失臨遣之旨意也三省可速行下諸  
路所陳利害令監司郡縣遵守舉薦人材取旨錄用時  
劉大中明索未還上恐郡邑觀望故有是詔 禮部尚  
書兼權吏部尚書洪擬罷為徽猷閣直學士提舉江州  
太平觀以殿中侍御史常同論其阿附王黼在銓曹專  
任胥吏故也先是上以地震求言擬與其兄子駕部員  
外郎興祖偕上封事論朝廷紀綱不正語侵在位者繇  
是父子繼罷 秦魯國大長公主自閩中至會稽請入  
見許之

癸未起復尚書左僕射朱勝非等上吏部七司勅令格式一百八十八卷自渡江以來官司文籍散佚無所稽考議者以為銓法最為急務會廣東轉運司以所錄元豐元祐吏部法來上乃命洪擬等以省記舊法及續降指揮詳定至是成書 樞密院言近聞商人有持膠繅漆貨匿於茶部中以售於北境者詔禁止犯者行軍法甲申顯謨閣待制提舉江州太平觀胡交修試給事中御史臺主簿陳祖禮秘書省正字陳祖言並罷以御

欽定四庫全書

建炎以來繫年要錄 卷六十九

三

史常同論其日登大臣之門肆為長夜之飲規伺臺評出入詭秘也 成忠郎閣門祇候統領光州石鵬寨人兵張昂充黃岡黃陂麻城三縣巡檢昂屯山寨凡七年故有是命 丙戌尚書考功員外郎魏矼守監察御史矼在考功時選部案牘不存吏緣為姦川陝官兩部者多以微文沮抑徃反輒經歲矼請細節不圓者悉先放行人以為便自後踵行之矼歷陽人也

丁亥監察御史鄭作肅守尚書左司員外郎吏部員外郎袁正功守右司員外郎 詔撫州進士鄧名世左承事郎李公懋左從政郎徐壽並召赴行在名世孝甫孫孝甫已見家素貧不求仕進躬耕以養母博通經史長於春秋公懋臨川人進士高第黃潛善惡其切直故斥逐之壽西安人為德安令民安其政宣諭官劉大中俱薦於朝故有是命

欽定四庫全書

建炎以來繫年要錄 卷六十九

三

戊子尚書工部侍郎李擢試禮部尚書龍圖閣直學士知處州耿延禧試尚書刑部侍郎既而言者奏延禧不當用罷之權刑部侍郎蘇運權工部侍郎日歷九月庚辰蘇運權刑部侍郎疾速赴行在十月戊子蘇運權刑部侍郎兩次所載告詞並同刑部題名蘇運九月除權侍郎十月除權工部侍郎工部題名同按此則李起居郎曾統罷為祕閣修撰知秀州 太常少卿唐恕試起居郎兼權給事中起力辭不拜 右朝散大夫浙西提點刑獄公事張宗臣初除大理卿坐章去會婺州以賣鹽不法事被劾宗臣欲逮平民數十人府官就白宗臣大怒曰此

事左相專遣人封未知之否簽書鎮東節度判官廳公

事張九成曰九成但知有聖旨不知有宰相主上屢下

恤刑之詔惟恐無辜被繫公身為部使者不能上體聖

意而觀望宰相耶聞者莫不快意宗臣大慚九成因投

檄去殿中侍御史常同奏宗臣夙貧且聞其朋附權貴

居五客之一故罷 詔樞密院編修官宗庠魏良臣劾

官有守不事奔競並令引對庠順昌人良臣已見二年八月良臣

席益所薦也既而御史常同論庠素號凶人嘗干廖綱

欽定四庫全書 建炎以來繫年要錄 卷六十九

薦引綱以其無行不薦遂誣綱匿喪事以告言官及綱

辨明有明索為證乃知誕妄恐薦者不知其詳上誤聖

聽乃止不召章再上詔與外任

已丑直秘閣知江州孫佑提點江西刑獄公事左朝請

大夫陳子卿知江州 詔捕獲強盜雖無被主姓名而

賊滿已經論決者許推賞先是太常少卿唐恕言舊法

復盜不知被主姓名則不該賞故江湖間有舉舟盡遭

屠戮踪跡絕滅官司雖知終不掩捕蓋既知無激勸之

方又欲迭捕盜之責法久森生望賜更改故有是命

庚寅起復鎮西軍節度使涇原秦鳳路經畧安撫使知

秦州充陝西諸路都統制兼宣撫處置使司都統制吳

玠加檢校少保以總兵累年捍禦有功也玠加檢校官

置使據墓碑乃錄統風嶺之功而史所書如此蓋宣

司隱其故次第行賞朝廷雖申命之却別降此旨耳

左朝散郎邵彪知楚州 大理少卿元袞言四方之獄

雖非大辟情法不相當者皆得奏請裁決今奏按來上

大率皆引用情重法輕之制而所謂情輕法重者鮮矣

欽定四庫全書 建炎以來繫年要錄 卷六十九

豈人之犯法而無情輕者乎欲望申救凡遇廉於法而

情實可矜者俾遵守成憲請獻以聞詔申嚴行下左

承事郎程克俊守國子監丞 初魏玠在考功建言州

縣和預買絹多不給本錢乞就折民間應納役錢之數

使官無受給之弊民無請納之勞至是下轉運常平司

議已而兩浙轉運司言本路歲用和買本錢七十三萬

餘緡委是無可那撥而常平司言役錢既充和買則役

人無以給之其議遂止 兩司奏下在明年二月庚子

壬辰詔自令犯私鹽並依紹興敕斷罪如亭戶非亭戶煎鹽與私販及軍人聚集百姓依藉軍兵聲勢私販本犯不至徒者配鄰州若罪至徒即配千里如係流罪即刺配廣南內私販拒捕之人依政和指揮不以赦降原減其去年十二月甲午赦旨及今年六月辛丑尚書省批狀指揮勿行先是殿中侍御史常同入對論私販刑名太重上曰凡舉事不能有利無害第當擇利多害少者為之非卿言朕不知其害同復奏紹興敕私有鹽一

欽定四庫全書

建炎以來繫年要錄  
卷六十九

六

斤徒一年三百斤配本城煎煉者一兩比二兩刑名不為不重後來復降指揮並不用陰原赦再因官司申請雖遇特恩不原行法之深乃至於此可謂盡矣去年之冬因大軍所駐嘗有兵卒私販百姓因之故又有亭戶不以多寡杖脊配廣南指揮蓋一時禁止非通行天下永久之法也昨因推貨務看詳以謂諸路亦合一體施行遂批狀行之提領官張純一堂吏耳但欲附會去相之意朝廷不謀之近臣不付之戶部不稟之聖旨遂以

批狀行之何其易哉自此法之行州郡斷配日有之破家蕩產不可勝計主議之臣聞人一語及此則以為沮壞鹽法但曰刑不峻不足以致厚利夫嚴刑章而不恤害民此蔡京王黼之術也奈何今遂用之訪聞官司所捕獲皆貧下之戶不過數十斤之資至於有力之家則結集人眾持兵守護動至千萬斤巡尉熟視莫敢誰何嶺外險遠平時振劫之風已自難制今配私販之徒往聚於彼豈遠方之利自古及今刑之所施必稱罪之輕

欽定四庫全書

建炎以來繫年要錄  
卷六十九

七

重豈有罪無等降一用重刑之理今私鹽一斤至杖脊配廣南則孰不相率為百千斤之多哉祖宗仁德在人猶人之有元氣今天下之勢可謂病矣奈何遂欲傷元氣乎法令之行繫乎國本不使有識搢紳之士議之而使刀筆之吏弄其文墨非國之福也望付三省以前後所降私販刑名更加熟議如有犯禁且從紹興編敕定斷若軍人聚集及百姓依藉軍兵聲勢私販即依甲午指揮所有不用陰原赦指揮亦乞詳酌施行契勘推貨

務都茶場特一場務耳非省部寺監之比自今應干茶

鹽事乞送戶部勘當事屬刑名者兼送刑部擬定其場

務及提領官受客人詞狀並申尚書省不許徑牒諸路

施行事下戶刑部大理寺參詳至是乃定用戶部尚書

黃叔教奏也熊克小歷載此事甚畧且附於六月未開

月始除御史九月丁丑同奏私鹽刑名太重詔戶刑部

勘當至是進呈克實誤也克又並載張純下大理治罪

在六月未亦誤純下大理宰相朱勝非言自置宣撫

在十月已亥令別繫本月處置司凡四川帥臣監司已下堂除部闕及安撫茶馬

欽定四庫全書建炎以來繫年要錄卷六十九

等司辟闕盡以便宜差官有違舊制致使寒士久不得

祿詔自今監帥司闕官令宣撫司具奏三兩人聽旨其

元係部闕並令諸路漕司依舊法施行尚書吏部負

外郎蘇良治罷以言者論良治交結呂頤浩子弟最為

親密與蘇恪皆預入幕之賓人戲號為二蘇故黜恪十月

罷荆南制置使王玘引舟師將至鄂州上奏言湖

水瀕漫楊公未可捕詔湖水已減落今速進兵

進奉可勿許安可利其虛名而勞民乎朱勝非曰異時

廣西奏大理入貢事可為鑒上曰遐方異域何由得實

彼云進奉實利賈販第令帥臣邊將償其馬值當價則

馬當繼至庶可增諸將騎兵不為無益也左儒林郎

舒賓王為永豐令擅斬劫盜詔特降二資尚書吏部

負外郎劉大中宣諭江南路還入見以舉刺官吏申明

利害平反獄訟科撥財賦為八冊來上大中出使僅一

歲所按吏二十人正月乙丑永豐劉陳文昌戊寅右朝

散郎知貴溪縣趙畋二月庚戌新進

欽定四庫全書建炎以來繫年要錄卷六十九

今王策三月丙子右水事郎知南城縣徐端益四月丁

酉吉水令張汝錫已酉右水務郎知太和縣丞高公軾

五月丙寅左水事郎權上猶令郭達右水直郎權上猶

丞李珣右迪功郎權上猶尉揚邦德六月丁亥右從事

郎知安福縣并大有壬辰右宣義郎通判吉州韓顯曾

八月丁亥連德令榮三省九月甲戌右朝奉郎新通判

宣州楚執柔並放罷取勸內公軾連停官又李回韓珍

十月壬寅又知青陽縣宋仲堪四年二月辛

丑大中論上供促限奏中及之未見行遣薦士十六

人正月己卯右水務郎知鉅山縣陳洙六月丁亥左宣

人教郎前會昌令吳純七月丙辰左朝奉郎昭信軍簽

判張師益左水直郎吉州判官李諤九月甲戌左朝請

大夫知南康縣趙公謹十月丁亥表州司戶蔡軍統廷

直並遣一官赴行在又李彌正張縉李椿年馮鵬舉侯

廷慶朱節孫佑郎名世李公懋徐嘉別見六月壬辰九

326-5



月甲戌十所薦士後多知名 川陝宣撫司隨軍轉運  
使趙開增印錢引二百萬緡於蕪路市糧及金銀以宣  
撫司於恭涪州糶米三十萬斛故也俄又增印二百萬  
緡

乙未左奉議郎提點浙東刑獄公事周綱言新法弓手  
皆失業游惰不逞之徒乞廢武尉一司將見役之人蒞  
於文尉事下戶兵部如所請 初上既增以緡計賊之  
直而大理少卿張杓入對言竊盜以賊准錢四百以上

欽定四庫全書

建炎以來繫年要錄  
卷六十九

十一

即科杖罪纔及兩貫遂斷徒刑民無常產迫於饑寒不  
得已而為盜今百物騰踊所得至微而罪已及於徒情  
實可憫刑寺奏除強盜依舊制外竊盜逆增錢五分如  
三貫徒一年之類俟物價平日如舊是日進呈上曰自  
古人君治國家不過省刑罰薄稅斂為先耳可如所奏  
初以九月癸亥而對甲子章下今併  
附此乾道六年閏五月又增一貫 武節郎閻門宣  
贊舍人帶御器械添差幹辦皇城司韓世良添差浙西

兵馬鈐轄罷皇城司 世良初除皇城司  
月日未見當考

丁酉禮部員外郎兼秘書省著作佐郎舒清國言自有國  
難盜賊間起所在州縣率多殘破人民流離戶口減少  
而守令或不究心撫存凋瘵謂宜以戶口增否立守令  
考課之法而優其賞格庶幾守令惠愛及民不惟流民  
歸業而四方轉徙者亦有所托從之令吏戶部立法清  
國江山人也 詔內侍賈翊放歸田里翊始坐罪黜監  
嶺南市征至是以其母老而釋之 三月戊寅滿官此  
細事當牽聯書之為  
易相故各  
附本日

欽定四庫全書

建炎以來繫年要錄  
卷六十九

十二

戊戌手詔曰朕以眇躬親逢厄運愧無德化純一風俗  
深慮士大夫趨向尚多趨附征利蓋奔競之風不息則  
朋比之勢漸成若不以時警懼辨其邪正尚且曰內修  
外攘中興可俟得不負愧於天下可令臺諫伺察其微  
即行糾劾三省樞密院差除常加遴選朕有望焉 尚  
書禮部員外郎舒清國試起居郎仍詔以見闕官日下  
供職自是職事官除拜不俟給舍書讀率得堂帖即視  
事時孫近建請未踰月也 近建請在  
九月壬申 左迪功郎陳琦

充敕令所刑定官琦始以累舉得官呂頤浩善之

琦此為

年持奏名同進士出身用為都督府屬官至是復有此命

論琦上書張本琦為都督府屬大中所謂委云兩今年九月丙寅甘府屬吏去歸數內不見琦名當考廣

南宣諭明素奏邕州之地南鄰交趾其左右江諸峒多

有亡賴之徒畧賣人口販入其國又聞邕欽廉三州與

交趾海道相連逐年規利之徒貿易金香必以小平錢

為約而又下令其國小平錢許入而不許出若不申嚴

禁止其害甚大欲乞自今二廣遠郡透漏生口銅錢應

欽定四庫全書

建炎以來繫年要錄卷六十九

帥臣監司守倅巡捕當職官失覺察者比犯人減一等

坐罪庶幾檢察加嚴上下循守詔戶刑部立法其後二

部請故縱生口及透漏銅錢過界者巡捕官減罪人二

等失察生口又減三等鎮寨官縣令知通監司帥臣失

察者抵罪有差從之十一月甲戌立法

已亥尚書吏部員外郎劉大中行監察御史大中奉使

江南刺舉無所避上甚嘉之故有是除中書門下省

檢正諸房公事王庭秀尚書左司員外郎王岡皆嘗為

呂頤浩暮客不自安因引疾求去詔除直秘閣庭秀主

管江州太平觀岡提舉臨安府洞霄宮右中奉大夫

提舉榷貨務都茶場張純罷仍送大理寺治罪時殿中

侍御史常同奏純陰狡恣橫肆為不法與尚書省戶房

都事單知章及監都茶場程庠深相交結凡有所行先

囑二人庠內啟之於冢司知章外行之於都省權分執

政勢動中外有違其意立見禍患每客人入納稀少則

強抑交引舖戶先次納錢給空名文鈔俟入納攤併日

欽定四庫全書

建炎以來繫年要錄卷六十九

旋填姓名出納不公姦狀暴著故有是命

月十八日丙午右治獄奏曹師雄案稱已斷人推貨務提轄官張純不知如何具斷也淮南宣

撫使韓世忠言有兵四萬四千餘人輜重病廢者大半

方國家缺乏之際理宜省費望汰歸內郡以省財用詔

世忠兵練已精自河北山東隨世忠累經出入難以例

汰今存恤之初關盟自兵亂以來商販絕少需鈔不

行乃用邵武軍判官趙不已請併令轉運司撥賣歲輸

鈔錢十五萬緡時度盜竊發多緣羣入閩廣販鹽以作

亂右朝奉郎知梅州程杲乞散賣小鈔謂非特可助國

計亦使細民得販則暗消其為盜之端事下推貨務而

提轄官張純以為福建廣東皆係官販杲所言有侵漕

計且礙成法事遂寢杲建陽人也按推貨務所申以此日行下乃張純未能

前所勘當也是日偽齊陷鄧州以其將齊安上知州事

庚子詔廣西路安撫司取撥歲額鹽一百萬斤和賣牛

皮筋角赴行在於是兩路各以其數抑配于民民之殺

牛者甚眾此以明年七月九日丙辰廣西運判趙子嚴所奏修入日歷無之

欽定四庫全書建炎以來繫年要錄卷六十九

辛丑南丹蠻犯觀州初南丹州刺史莫公晟政和間獻

地於朝以為廣西兵馬鈴轄既而逃歸會武節郎黃昉

知觀州遣兵畧其部族公晟怒聚眾數百人以是夜圍

觀州焚寶積監廣西經畧使劉彥適調平融州土丁將

兵往救之公晟已去昉坐免所居官昉以四年三月丁巳免官

壬寅禮部尚書李擢為徽猷閣直學士知婺州顯謨

閣待制提舉臨安府洞霄宮楹倬落職劉大中之出使

也奏倬阿附王黼以進里居貪鄙兄偕賊殺不辜既命

有司劾治侍御史辛炳又以為言故黜借四年正月行遣詔

皇后受冊與本家親屬承信郎二十五名上不欲外家

恩數與母后同故差損焉賜楊惟忠家洪州田十頃

以惟忠自河朔扈駕至南京推戴冊立於國有勞故有

是賜

癸卯詔自紹興元年正月朔以前因羣寇殘破占據去

處乘時作過之人限令旨到日將已受理詞訴結絕毋

得枝蔓日後毋得受理時言者以為自軍興以來村民

欽定四庫全書建炎以來繫年要錄卷六十九

往往乘勢割劫其罪大而考驗明白者固已就戮然牽

聯黨與蔓及平人或挾仇規利轉相告訴人情不安故

有是命詔福建憲漕置司去處並依舊制以言者論

建州乃鼓鑄產茶及般賣鹽貨之地而福州在一路道

里之中緩急盜賊可與帥司商議故也事視在去年十二月庚戌

淮西宣撫使劉光世遣參謀官右中奉大夫吳草以機

速事入奏上召對後十三日加直秘閣遣還是日襄

鄧隨鄂等州鎮撫使李橫棄襄陽奔荆南時偽齊將李

成既得鄧州而劉豫之衆有歸襄陽者橫以為寇至且軍食不繼遂引兵遁成入襄陽知隨州李道聞之亦棄城去豫以其將王嵩偽知隨州橫之去襄陽也欲依解潛以俟命其叅謀官直龍圖閣趙去疾屬官右宣教郎閻大鈞勸使歸朝待罪橫曰我有烏合之衆所至自謀衣食人皆謂我為賊萬一諸郡不見納奈何二人曰我亦官軍也何至是已而湖北安撫使劉洪道果拒之橫大怒欲殺二人皆呼曰江西帥趙樞密可歸也橫猶未

欽定四庫全書

建炎以來繫年要錄

卷六十九

決而趙鼎已遣糧舟至其衆遂安時權商就鎮撫使董先蔡州信陽軍鎮撫使牛革先已渡江至洪州鼎復以銀數千兩犒橫之衆且檄知黃州鮑貽遜迎勞於境上橫大喜遂以所部入洪州能克小歷載橫失襄陽事於今年七月末日云是月詔橫

駐洪州實甚誤也日歷詔橫屯江州在十二月甲午詳見其日注

甲辰顯謨閣學士曾楙試禮部尚書徽猷閣待制知平江府宋伯友守尚書刑部侍郎既而御史常同言楙乃蔡京上客至今不變其說伯友誦事鄧文誥之徒不當

用詔並罷中侍大夫忠州防禦使荆南府歸峽州荆門公安軍鎮撫使兼知荆南府解潛陞華州觀察使徽猷閣直學士知鄂州充湖北安撫使劉洪道進二官為左中大夫以招集軍民修城捍寇有勞也前五日詔以江西湖南度牒二百道左藏銀五千兩餉潛軍至是復有此命 詔觀文殿大學士汪伯彥端明殿學士董耘梁揚祖龍圖閣直學士耿延禧保靜軍承宣使提舉萬壽觀高世則編類元帥府事蹟以付史館用祠部員外郎兼著作郎虞澤請也其後悉以書聞惟伯彥所著中興日歷最備 荆潭制置使王玠率水軍至鼎口與賊遇賊乘舟船高數丈以堅木二尺餘剡其兩端與矢石俱下謂之木老鴟官軍乘湖海船低小用短兵接戰不利玠為流矢及木老鴟所中退保橋口留統制官崔增吳全當下流親將神武前軍萬餘人陸行趨鼎州偽齊引兵犯鄂州守將李簡棄城去劉豫以荆起偽知鄂州趙班直也豫才而用之

欽定四庫全書

建炎以來繫年要錄

卷六十九

州趙班直也豫才而用之

乙巳詔臨安府依開封府例權隸臺察 川陝等路宣  
撫處置司奏以直徽猷閣新知漢州范正已為參議官  
左朝請郎通判成都府虞祺等四人並主管機宜文字  
右奉議郎夔州路安撫司幹辦公事李邦猷右通直郎  
通判成都府安邠等六人並幹辦公事親屬四人書寫  
機密文字正已純禮子純禮純仁弟建中尚書右丞 祺仁壽人嘗為  
太常博士邦猷邦彥弟邦博子也博新明人崇寧同知樞密院事 張浚  
之東歸也其官屬皆罷去故用王似盧法原請而命之

欽定四庫全書

建炎以來繫年要錄  
卷六十九

十九

日歷邦猷自新彭州通判改辟而五年五月乙亥中書門下省勅會乃云邦猷歷夔州通判及宣撫司屬官兩任當是從盧法原到司也

丙午左承議郎主管亳州明道宮王公彥進秩二等以  
元符上書入籍故也自是黨人見在者皆遷官公彥元符上書

邪下等第八十八人黨籍  
餘官第一百三十六人

丁未手詔曰六官之長是謂佐王理邦國者其惟銓衡  
乎今自艱難以來士大夫流離契闊有徒跣而赴行在  
者聞邇來注擬榜闈之際姦弊百出貨賂公行寒士困

苦安得如毛玠清公使天下之士莫不以廉潔自厲三  
省可行措置除去其弊栢臺屢加糾察 初上以吏部  
注擬多弊寒士困苦手詔戒飭畧曰安得如皇甫鈔之  
流鈔制吏姦除其弊源既而上以鈔迎合貢羨恐臣下  
有疑翌日御筆改用毛玠事且諭朱勝非曰他時詔語  
未當三省便可進呈改定徐俯曰此所以見威德三省  
言注擬榜闈申請傲倖去失問難刷闕減裂闕會淹延  
審量疑似給付邀求保明退難凡八事今本部七司措

欽定四庫全書

建炎以來繫年要錄  
卷六十九

十九

置闕防從之

戊申詔今後省試並赴行在自諸路置類省試行之纔  
二舉議者以為姦弊百端且言本朝省試必於六曹尚  
書翰林學士中擇知舉諸行侍郎給事中擇同知舉卿  
監為參詳官館職學官為點檢官又以御史監視故能  
至公至當厥服士心今盜賊屏息道路已通若以此試  
復還禮部不過括諸路漕司所費輸之行在則必裕然  
有餘矣詔檢坐累降指揮申嚴行下於是遂罷諸路類

試日歷於此日指擇止云檢生累降指揮中嚴行

已酉右奉直大夫主管官告院郭川提轄推貨務都茶

場用戶部尚書黃叔教奏也按日歷張純下已差魏彥

放階達奏差不知何故雷是因純罷去遂不復用堂

史也元年五月丙申又差馬廷之仍是替彥例當考

庚戌復置宗正少卿一員太府寺農寺軍器將作監各

復置丞一員太府寺大理左斷刑右置獄各復增丞一

員始用常同請也乃令都督府及諸路監帥司具屬官

之可省者申尚書省應克小歷十一月庚申初置司農

寺丞二員誤也其實諸寺增丞以

欽定四庫全書建炎以來繫年要錄卷六十九

此日降旨庚申但除官耳充止書司農一寺而不及二

監不知何故日歷於是日書復置宗正少卿一員已辨

之見今年六月甲辰注遂以太常博士趙霈兼權宗正丞此據玉

名附辛亥詔諸路添差官州十縣已上勿過十員三縣已上

五員已下二員縣萬戶以上三員已下二員仍並以二

年為任是日偽齊將王彥先自亳州引兵至北壽春

揚兵淮上有南渡意江東淮西宣撫使劉光世駐軍建

聲援賊乃還應克小歷云光世將兵直搗廬壽敵乃引

軍前去廬州水陸稍便可以解援海壽已差郭瑗將帶

全軍前去駐劄據此則光世蓋不自行克所云非也

初彥先在壽春廬人震恐有勸帥臣胡舜陟遷避者舜

陟曰吾為守臣義死封疆且吾始來欲為朝廷用兵為

恢復計今方講好兵寔不張但當嬰城死節以巡速報

君耳既而閤門宣贊舍人知壽春府羅興亦乞乘勢襲

逐彥先收復淮北州縣詔興伺賊兵侵犯即出奇掩擊

如賊不渡淮勿得引惹生事十一月癸亥降旨偽齊以中書

舍人直學士院權門下侍郎尚書左丞范恭守尚書左

丞尚書兵部侍郎兼權右丞李鄴守尚書右丞

欽定四庫全書建炎以來繫年要錄卷六十九

建炎以來繫年要錄卷六十九

建炎以來繫年要錄卷六十九

建炎以來繫年要錄卷六十九

建炎以來繫年要錄卷六十九

建炎以來繫年要錄卷六十九

建炎以來繫年要錄卷六十九

欽定四庫全書

建炎以來繫年要錄卷七十

宋 李心傳 撰

紹興三年十有一月壬子朔太常博士兼權宗正丞趙

霈行尚書祠部員外郎 直龍圖閣胡寅知永州

癸丑徽猷閣待制提舉台州崇道觀洪炎卒于信州詔

官給葬事既而侍御史辛炳奏炎非功在社稷及死於

國事之人乞改正上曰炎以文學稱有卹典盖用舊制

欽定四庫全書

建炎以來繫年要錄  
卷七十

今既為言者論列當罷之然聞其家貧可如胡直孺例

改賜銀帛炎蓋黃庭堅之甥也徐俯曰庭堅自有親孫

上曰何在俯曰見任臨安莞庫其家極貧改賜銀帛在十二月甲午

熊克小歷書宰執奏故侍御史洪炎葬事云云按炎未嘗為此官尋考其故盖日歷於舊申書進呈侍御史言

洪炎葬事而不出御史之名克不細觀遂以侍御史為洪炎前銜其尚莽如此

甲寅皇后母福國夫人熊氏薨遺表求恩如母后外家

故事前一日進呈上曰朕於外戚不敢有私前此官邢

氏中外親已減於韋氏矣今祈請不已其援母后以為

比者亦勿聽乃詔邢煥贈少師追封嘉國公子承事郎

孝揚加直秘閣忠翊郎孝益孝騫並閣門祗候賜銀帛

五百匹兩許造進酒及差官舟二隻而已

丙辰執政進呈修運河畫一上曰有欲以五軍不堪出

戰士卒充此役者固不可又有言調民而役之者滋不

可惟發旁郡廂軍壯城捍江之屬為宜至於廩給之費

則不當吝朱勝非曰開河似非急務而饋餉艱難故不

得已且時方盛寒役者良苦臨流居民悉當遷避至於

欽定四庫全書

建炎以來繫年要錄  
卷七十

畚揭所經泥沙所積當預空其處則居民及富家以僦

屋取資者皆非所便恐議者或以為言上曰禹卑宮室

而盡力乎溝洫浮言何恤焉 起復從義郎閣門祗候

廣西經畧司走馬承受公事俞似罷似移文列郡引崇

寧詔旨不隸屬帥司又欲與通判叙官為諸司所劾故

罷自是走馬承受遂不復除 詔諸郡委倚郭縣認納

公帑醋息錢者徒一年認而納者罪亦如之著為令

丁巳開封府布衣李漢英上書言國家之弊在用柔太

過故敵得逞上曰光武治天下以柔漢室復興漢英所

言狂易朕不以為忤聞罷可也按此句疑有脫誤

戊午右朝奉郎孫世顯知澧州澧州自鍾相作亂久闕

守臣至是命知鼎州程昌寓遷置世顯因即陶家市荆

山寨寓治未能入城也

己未右文殿修撰主管萬壽觀王倫為都督府參議官

行在供職 詔王瓊所部帥司并諸州軍並聽瓊節制

俟楊么平日取旨以瓊言湖南北安撫使折彥質劉洪

欽定四庫全書

建炎以來繫年要錄 卷七十

三

道不肯濟師也彥質聞命上疏言靖康中任河東宣撫

副使瓊係臣部下兵官兼曾體量行遣嫌怨灼然若使

平時部屬偏裨一旦加乎其上也急聽其憑陵竊恐有

虧國體詔彥質與瓊同心討賊如托故避事致有疎虞

當議重行竄責後音在十月癸巳

庚申右承務郎李若虛守司農寺丞右通直郎曾博為

太府寺丞左朝奉郎張宇為將作監丞右宣義郎章僅

為軍器監丞並填新初闕若虛若水兄惇紆子宇守兄

僅惇孫也時寺監長貳不除以丞顯其事既而御史常

同言惇浮薄無行若虛人物龐惡於是二人皆罷惇罷在四月

年正月戊辰若虛罷在正月癸酉 監察御史李長民罷時新除監察

御史劉大中以嘗論長民凡正民罪乞避之而長民亦

有請詔別與行在一等差遣長民復求去乃命知處州

罷楚州吳城縣為鎮縣自兵火後居民纔八十餘家

故廢之 詔賜温州度牒紫衣共二百為崇奉神御神

主之費時歲用錢糧五萬七千餘緡守臣程邁告之于

欽定四庫全書

建炎以來繫年要錄 卷七十

四

朝故有是賜 禮部員外郎虞漢請銓試初出官人以

經義詩賦時義斷案律義為五場就試人十分取七榜

首循一資從之此以紹興七年四月十二日癸卯吏部尚書孫近劄子修入日歷無之

壬戌直秘閣江西提點刑獄公事孫佑移知平江府

癸亥詔諸路上供錢物令戶部歲終舉劾稽違侵隱去

處申朝廷取旨責罰時左司諫唐輝論比年以來責小

官之法則密縱大吏之法則疎監司郡守失職者未嘗

明正典刑臣請言其一二兩浙諸郡合椿上供羅本錢



一百五十七萬餘緡今糴買正其時方行催促儻更違  
限必失準擬此郡守不職也前此諸路上供稽違拖欠  
至於遣官四出其間有侵欺妄用者朝廷知之不聞究  
治此轉運不職也虔饒兩司自紹興元年至今起發過  
錢十二萬餘緡而費用三十五萬餘緡無益有損此提  
點鑄錢不職也臣竊謂省部總天下之務財用必有所  
統屬宜不虛設不識但聽諸路自至邪亦當舉劾鈎放  
謹其稽違侵隱邪欲望嚴賜誅敕一歲之間省部稽諸  
欽定四庫全書 建炎以來繫年要錄 卷七十 五

者不知其數增與全皆死或曰為賊生執臠割而食之  
時統制官任士安以萬人屯赤沙湖阻水不能救賊收  
其弓矢甲冑欲西襲官軍璉遂并將增兵後贈一階加  
果州防禦使贈全二階加忠州防禦使錄其子有差年  
六月癸未贈官  
甲子樞密院言端明殿學士同簽書樞密院事韓肖胄  
工部尚書胡松年使還詔肖胄等速赴行在自上即位  
遣人入金六七年未嘗報聘至是左副元帥宗維始遣  
欽定四庫全書 建炎以來繫年要錄 卷七十 六

路之勤情上之朝廷明為勤勞之賞重為曠弛之罰庶  
幾稍知自効故有是旨 是日武德大夫高州刺史閻  
門宣贊舍人御前忠銳第一將崔增右武大夫忠州團  
練使荆潭制置司水軍統制吳全與湖寇遇于陽武口  
死之時荆潭制置使王玘將水軍以前二日至下芷江  
口翌日知鼎州程昌寓亦至共議取周倫寨又翌日增  
全至陽武口遇賊軍船寂然無聲呼之不應增等以  
為空舟也令湖海船倚梯而上賊兵掩出官軍遂敗死